

*Komisija za izbor i imenovanje/
Povjerenstvo za izbor i imenovanje*

Комисија за избор и именовање

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

65x3

Broj:01/6-02-897/23-1
Sarajevo:28.02.2023. godine

Primljeno: 28-02-2023			
Org. jed.	Broj	Priloga	Vrijednost

**PREDSTAVNIČKOM DOMU
PARLAMENTA FEDERACIJE BOSNE I HERCEGOVINE**

Komisija za izbor i imenovanje Predstavničkog doma Parlamenta Federacije Bosne i Hercegovine je na 3. sjednici, održanoj 28.02.2023.godine razmatralo :

**1. Prijedlog Odluke o izboru predsjednika i dva potpredsjednika
Federacije Bosne i Hercegovine**

Na osnovu člana 44. i 62. Poslovnika Predstavničkog doma Parlamenta Federacije Bosne i Hercegovine, Komisija Domu podnosi slijedeći:

IZVJEŠTAJ

Komisiji za izbor i imenovanje dostavljena je dana 24.02.2023. godine Obavijest dvoje izabраних kandidata za predsjednika /potpredsjednika Federacije Bosne i Hercegovine G-đe Lidije Bradare i G-dina Igora Stojanovića, kojom obavještavaju rukovodstvo Predstavničkog doma da na sastanku održanom 24.02.2023.godine u 10,00 sati u vezi dogovora o izboru predsjednika i potpredsjednika FBiH na kojem su prisustvovala sva tri izabrana kandidata za predsjednika/potpredsjednika Federacije Bosne i Hercegovine :Refik Lendo, Igor Stojanović i Lidija Bradara, **nije postignut dogovor**. Sa ovim činjenicama su upoznati članovi Rukovodstva Predstavničkog doma i usmeno, na sastanku održanom istoga dana u 11, 00 sati , na poziv predsjedateljice Predstavničkog doma, te traže od rukovodstva Predstavničkog doma da sazovu sjednicu Predstavničkog doma što prije, u skladu sa stavom 13.Amandmana CXX na Ustav Federacije BiH , kao i Odlukom o prihvaćanju-odobranju Liste od tri kandidata za izbor predsjednika i dva potpredsjednika Federacije Bosne i Hercegovine, donešene 16.02.2023.godine.

Odredbom Amandmana CXX , stavom 13 , propisano je da ukoliko se tri kandidata međusobno ne dogovore koji od njih će biti predsjednik Federacije BiH , o tome će odlučiti Predstavnički dom.

Istoga dana g-din Lendo je svojim dopisom I izvodom iz zapisnika obavijestio nadležne institucije Predstavničkog doma da nakon sastanka kojeg je on zakazao 17.02.2023. godine a koji je održan u punom sastavu 24.02.2023. godine u 10,00 sati nije postignut dogovor.

Članovi Komisije za izbor i imenovanje su nakon razmatranja svih dostavljenih dopisa, odlučili da isti predstavljaju relevantne dokaze koji dokazuju da nije postignut dogovor između troje kandidata izabranih za predsjednika/potpredsjednika Federacije BiH o tome koji od njih će obavljati funkciju predsjednika FBIH. S tim u vezi, stekli su se uslovi da će o tome odlučivati Predstavnički dom, kako je propisano stavom 13. Amandmana CXX na Ustav FBIH.

S obzirom na ustavne odredbe kojima se mora voditi računa o popunjavanju funkcija iz reda konstitutivnih naroda ili iz reda Ostalih, članovi Komisije za izbor i imenovanje su za predsjednika Federacije BiH predložili Lidiju Bradaru, iz reda hrvatskog naroda; a za dva potpredsjednika Federacije BiH Refika Lendu, iz reda bošnjačkog naroda i Igora Stojanovića, iz reda srpskog naroda.

Komisija za izbor i imenovanje je većinom glasova odlučila da uputi **Prijedlog odluke o izboru predsjednika i dva potpredsjednika Federacije Bosne i Hercegovine Predstavničkom domu, radi donošenja, kojom se za predsjednika Federacije BiH bira Lidija Bradara, iz reda hrvatskog naroda; a za potpredsjednike FBIH Refik Lendo, iz reda bošnjačkog naroda i Igor Stojanović, iz reda srpskog naroda.**


**U prilogu izvještaja:
-Prijedlog Odluke**

Dostaviti:
-Zakonodavno-pravnoj komisiji

U skladu sa članom 53. Poslovnika, za izvjestioca na sjednici Predstavničkog doma Parlamenta Federacije BiH je određen Dr. Mladen Bošković, predsjednik Komisije.

PREDSJEDNIK KOMISIJE

Dr. Mladen Bošković



PRIJEDLOG

Na osnovu Amandmana CXX kojim se mijenja Ustav Federacije Bosne i Hercegovine a u vezi sa Amandmanom CXXIV („Službene novine Federacije BiH“, br. 79/22), Odluke o prihvatanju-odobravanju Liste od tri kandidata za predsjednika i potpredsjednike Federacije Bosne i Hercegovine, broj:01-02-573/23, koju je donio Parlament Federacije Bosne i Hercegovine na sjednici Predstavničkog doma održanoj 16.02.2023. godine i na sjednici Doma naroda, održanoj 16. 02. 2023. godine, Predstavnički dom Parlamenta Federacije Bosne i Hercegovine , na svojoj sjednici održanoj----2023. godine donio je

ODLUKU O IZBORU PREDSJEDNIKA I DVA POTPREDSJEDNIKA FEDERACIJE BOSNE I HERCEGOVINE

I.

Za predsjednicu Federacije Bosne i Hercegovine izabrana je **Lidija Bradara iz reda hrvatskog naroda.**

II.

Za potpredsjednika Federacije Bosne i Hercegovine izabran je **Refik Lendo iz reda bošnjačkog naroda.**

Za potpredsjednika Federacije Bosne i Hercegovine izabran je **Igor Stojanović iz reda srpskog naroda.**

III.

Predsjednik i dva potpredsjednika Federacije BiH biraju se na mandat od četiri godine.

IV.

Ova odluka dostavlja se Centralnoj izbornoj komisiji Bosne i Hercegovine na utvrđivanje i potvrđivanje i objavljivanje u službenim glasilima rezultata izbora za predsjednika i potpredsjednika Federacije BiH.

PD PFBiH broj: -----

2023.godine

Sarajevo

**PREDSJEDAVAJUĆA
PREDSTAVNIČKOG DOMA
PARLAMENTA FEDERACIJE BiH**

Mirjana Marinković-Lepić